



Broj: 01-23-9-906/16-2
Datum: 23.11.2016. godine

Na osnovu člana 69. stav 2. tačka a. i članom 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), načelnik Općine Travnik, **donosi**

RJEŠENJE o poništenju postupka javne nabavke

Član 1.

Poništava se postupak javne nabavke radova - „Zimsko održavanje cesta i ulica na području općine Travnik za period od 15.11.2016. godine do 15.3.2017. godine“ i to za LOT III – POLJE- SLIMENA , iz razloga što je cijena prihvatljive ponude znatno veća od osiguranih sredstava za predmetnu javnu nabavku

Član 2.

Za izvršenje ovog Rješenja zadužuje se Služba za zajedničke i komunalne poslove.

Član 4.

Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

Član 5.

Ovo Rješenje stupa na snagu danom donošenja.

Obrazloženje

Postupak javne nabavke radova – „Zimsko održavanje cesta i ulica na području općine Travnik za period od 15.11.2016. godine do 15.3.2017. godine LOT III POLJE - SLIMENA“, proveden je putem konkurentskog zahtjeva za dostavljanje ponuda broj: 01-23-9-906/16 od 3.11.2016. godine.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-7-3-142-3-88/16 od 8.11.2016. godine.

Sa Informacionog sistema „E – nabavke“ Agencije za javne nabavke BiH tendersku dokumentaciju su preuzeli sljedeći ponuđači: „Infostrim“ d.o.o, „BBS Europe“ d.o.o., „Merkez - Oil“ d.o.o. Novi Travnik, „Ekapija“ d.o.o.

Rok za dostavljanje ponuda u skladu sa tenderskom dokumentacijom broj: 01-23-9-906/16 od 3.11.2016. godine je bio 21.11.2016. godine

Javnom otvaranju ponuda nisu prisustvovali predstavnici privrednih subjekata. Zapisnik o otvaranju ponuda ponuđaču je prosljeđen putem fax-a dana 21.11.2016. godine.

Ponudu je dostavio ponuđač „Merkez Oil“ d.o.o. Novi Travnik. Komisija za javnu nabavku imenovana je Rješenjem broj: 01-34-16-526/16 od 6.6.2016. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje, pregled i ocjenu u roku dostavljenih ponuda i utvrdila da ponuda ponuđača „Merkez Oil“ d.o.o. Novi Travnik ispunjava zahtijevane tenderske uslove i ista je ocijenjena prihvatljivom.

Komisija za javne nabavke Općine Travnik, dostavila je dana 23.11.2016. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-23-9-906/16-1, sa preporukom da se predmetna javna nabavka okonča poništenjem postupka.

Naime, i pored toga što je ponude ponuđača „Merkez Oil“ d.o.o. Novi Travnik zadovoljila sve tenderom propisane zahtjeve, cijena iste premašuju iznos obezbijeđenih sredstava za predmetnu javnu nabavku.

1. „Merkez Oil“ d.o.o. Novi Travnik, je ponudio cijenu od 38.904,30 KM bez uključenog PDV-a, odnosno 45.518,03 KM sa uključenim PDV-om.

Procijenjena vrijednost javne nabavke radova „Zimsko održavanje cesta i ulica na području općine Travnik za period od 15.11.2016. godine do 15.3.2017. godine lot III POLJE - SLIMENA bez uračunatog PDV-a iznosi 29.000,00 KM, odnosno 33.930,00 KM sa uključenim PDV-om.

Shodno navedenom Komisija za javnu nabavku je preporučila općinskom načelniku da se u javnoj nabavci radova „Zimsko održavanje cesta i ulica na području općine Travnik za period od 15.11.2016. godine do 15.3.2017. godine LOT III POLJE - SLIMENA, donese Rješenje o poništenju postupka, u skladu sa članom 69. stav (2) tačka e) Zakona o javnim nabavkama BiH.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama Bosne i Hercegovine, načelnik Općine prihvatio je preporuku Komisije i odlučio kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđaču x 1
2. Arhiva.



N A Č E L N I K

Admir Hadžiemrić, dipl. ecc.